

船山詩草補遺

船山詩草補遺卷五

遂甯 張問陶 仲治

題李墨莊前輩愛吾廬

官雅勝充隱居深聊養閒縱橫書幾帙點綴屋三間  
茗淡含詩味花明照酒顏匡牀勤拂拭清夢故鄉山

正月二十二日與亥白兄飲於顧亭王文寓

齋與東林香圃分韻得言字兼懷葑亭給

事

老眼無今雨春燈過上元往來辭惡客談笑去陳言  
觴詠成佳會鶯花想故園轉憐王給事何地駐星軒

誌感

元龍意氣漸消除，劉毅貧無擔石儲。  
廣坐低頭憑笑侮，窮途叉手歎癡踈。  
詩狂自問爭名否，酒失誰知悔過初。  
我較山王終濩落，故人珍重絕交書。

壽庭吏部招飲

春雪侵簾共舉觴，三年離聚話應長。  
多情爲下窮愁淚，一醉先容後輩狂。  
交道能全因冷淡，詩才不露肯飛揚。  
衣痕漫指成都酒，累我歸心滿故鄉。

題楓林揖別圖爲稚存作

三年詩筆滿黔中，花馬還鑣興未窮。  
官雅常攜雙屐

兩文奇應化百蠻風歸裝漫笑琴書冷戰地仍懸將  
相功人別天南秋亦老楓林回首萬山紅

丙辰三月十日雨中作

陰晴無定幾昏晨三月秋寒太逼人惱我閉門終日  
睡淒其風雨不成春

峽雲零亂棧雲深千山萬里心枕上回頭雷雨  
黑模糊歸路夢中尋

潘茗庵

逢元

托鉢圖

荷鍤何妨死便埋瑤琴鼓罷小徘徊神仙自有飛昇  
術且向人間托鉢來

題畫雙松

拂紙蒼然寫亂松，月斜隱隱見雙龍。  
歲寒自有真風骨，知在天都第幾峯。

丙辰夏日送王鐵夫就華亭廣文任

志苦名心退奇詩，悔不焚妄言幾誤。  
我諍友尙逢君，官雅聊充隱途窮。  
莫賣文交期爭萬古，何用惜離羣。  
五月中旬感懷

并無長物典朝簪，那有奇文待賞音。  
飲酒也消寒士福，通財漸拂故人心。  
身羅塵網因緣苦，齒冷名場閱歷深。  
自是不歸歸便得，蜀山回首夢森沈。

丙辰五月雨夜有懷楚中舊遊

楚山重到定何期渺渺音書怨別離  
白日久安風力猛一宵轉覺雨聲奇  
瀟湘零落新蘭葉江漢飄搖舊酒旗  
多少故人誰健在當年我只歎劬疲

題黃左田

鉞

同年爲吳子華仿石田翁全慶

堂玩月卷子左田與城東肖生子華用石  
田元韻聯句題後亦步元韻

畫意詩情絕瀟灑舊時風月一清新  
但憑好景留今日未必虛懷讓古人  
世外心交多冷趣閒中墨戲總天真  
亂頭粗服偏神似肯仿林宗墊雨中

歐陽文忠公南唐官研記拓本爲鐵冶亭師  
題句研側新鐫乾隆五十七年在鐵冶亭  
處十一字

歷劫難磨翰墨緣硯田曾閱幾桑田醉翁作記公題  
字又隔人間七百年

墨池點筆溯南唐許我生平一瓣香何處得來應有  
數前身公卽是歐陽

題雲峯道人伊大麓爲劉松嵐畫焦山冊

焦山之麓別有二小峯浮出水面卽松寥  
山也茲因偶遺之戲題一絕

海門東望蔚岩堯曾逐鑿江上下潮頗怪道人輕點  
筆不添雙影畫松寥

哭邵二雲學士

從此難收世上名我生猶及見先生三年文酒陪歡  
醕一代儒林望老成倒屣不矜前輩禮憐才真得古  
人情雙藤簪下談經處風雨長留笑語聲

著書燈冷夜牕前心力消磨又幾年史讓子長公亦  
肯經通爾雅世爭傳懶從時輩誇詩律或有生徒送  
酒錢縣掾不留離恨語達人來去定於禪

七夕吳穀人侍講招同法時帆祭酒趙味辛



舍人桂未谷大令洪雅存編修伊墨卿比  
部何蘭士水部集澄懷園看荷

手把風荷嬾入城宦情真似此花清深  
盃忽墮寒山影太液遙連夜雨聲瓜菓  
留人逢七夕琴書堆几過三庚鄉心不  
覺西湖遠欲喚閒鷗理舊盟

暫離塵海勝還鄉一路車聲爲底忙浮  
世幾人能簡傲縱談有客太飛揚池中  
醉態花應笑枕上詩情夢亦香他日江  
湖重聽雨剪燈難忘舊清狂

畫竹寄阿雨廳

胸中蕭散無成法況是新秋被酒時遙  
想先生廳紙

上雨痕風態一枝枝

七月十八日與洪稚存伊墨卿吳玉松戴金溪法時帆馬秋藥重餞桂未谷明府劉松嵐刺史於趙味辛寓齋醉歸車中有作

積雨全停曲港西連連車過水聲齊故人將去真如夢小句拈來恰有題點綴華筵惟筆墨銷磨頑鐵是輪蹄九衢官蓋同遊戲莫笑淳于愛滑稽

贈韓聽秋

崧孝廉

離緒忽萬種重逢纔一年匆匆身外影了了夢中緣我醉狂堪笑君詩妙已傳朱顏兩非昨相問買山錢

不爲浮名誤風塵  
早退藏異才甘幕府  
春夢冷詞場  
病減樽中好閒攜肘後  
方竹林容把臂爭忍斥山王  
九月二十六日陰雨  
王伯雨過訪與亥白兄  
飲於繡佛齋是日田橋未至  
以如逢花開  
分韻伯雨得開字  
亥白得花字  
余得逢字  
以如字寄田橋

廿年離聚感游踪  
忽漫重來酒一鍾  
秋燕將歸還是  
客雨萍無定亦相逢  
升沈且付麻茶眼  
慷慨難消芥  
蒂胸何止溫經念  
裴十故山涼月近三冬

丙辰九月二十七日伯雨招同田橋餞亥白

兄於如意堂分韻得泥字

酒樓人近午時雞醉犢蠻箋信手題宦味漸隨秋氣  
冷鄉心如趺夕陽低離筵此日還遊戲合傳他年定  
滑稽書劔昂藏歸正好函關休問一丸泥

丙辰初冬鄉思

一燈風雪念家山馬足車塵且未還酒失無心空自  
悔詩狂有托恐人刪鄉愁黯黯穿巫峽歸夢明明隔  
劍關巴蜀地形高萬仞舊巢惆悵白雲間

渺渺愁懷坐夜分無邊空籟靜中間何來雪後廉纖  
雨不散天涯黯淡雲山畫均房難聚米波圍漢沔尙

懸軍兩川節度迴翔久珍重相如論蜀文

十月初三日與王伯雨彭田橋邵壽民

葆祺

小集於飛鴻延年之室分韻得之字

矮屋如農屋荒寒酒一卮嚴風穿戶小晴日過臆遲  
踏雪能來否談兵妄聽之窮交多聚散耕鑿羨幽詩

詠篔簹圖爲陳肖生

嵩題

林香深處晚香空好句拈來翠雨中抱影不妨無肉  
瘦寫真惟愛此君同笑着沙水生虛白定有山梅破  
小紅悟後詩情皆畫品一枝斑管萬枝風

十一月二十五日溫熙堂

汝能

同年招同穀

人侍讀步容編修春崖孝廉稚存同年小

集卽席有作

笑看庭竹矮於人便覺軒牕絕點塵座上風騷皆勅

敵醉中諧謔是天真心驚苛政觴頻罰穀人先生主觴頗嚴

手縱奇兵戰有神予掛戰獨利歲晚正愁連夜雪萬錢準

備買青春

法梧門祭酒以涪翁舊時愛菊陶彭澤今作

梅花樹下僧詩意寫照戲題二絕

披圖忽見比邱身偶約寒梅共寫真自撫頭顱應亦

笑老僧可是再來人

九  
一  
三  
凌雲孤鶴寫生涯忘却前緣卽此花參破詩龕詩境  
界萬枝香雪一袈裟

丙辰小除夕洪稚存編修招同吳穀人侍讀

戴東山穀酒

吉士戴金溪

敦元

禮部伊墨

卿方茶山兩比部趙味辛劉澄齋葉雲素

溫謙山四舍人及予與田橋祭詩于卷施

閣同人囑予作賈長江畫像祀之因題長

句紀事

彷彿枯僧月下來閬仙生面忽重開祭詩偶創千秋  
例下筆誰堪一代才勞我竟須漚似酒催人何若爆

如雷稜稜瘦影憑空盡也抵黃金鑄一回

元夜同陳郁度

夔讓

曉峯

照

林雨亭

芳

周補

之

廷授

季才

廷掄

踏燈作

中年有興不飛騰到處心如挂錫僧舉酒却憐終夜  
月尋詩偶踏上元燈繁華好景三更夢破碎寒光一  
路冰笑謝金吾歸較晚車前驢影瘦凌兢

平陽北郭高橋阻雨

雲外堂堂白日徂臨汾西望雨模糊關河影裏鄉心  
遠芻豆聲中客夢孤猶有妻孥依輦轂恐無戈馬掇  
夔巫全家兩地衣如雪未表瀧岡淚已枯



洪洞道中

水繞楊侯國，秋山雨後看。  
無人覺詩興，隨處有驢鞍。  
兵遠風聲過，城高氣象完。  
千村爭落柿，竿影出林寒。

聞喜城北過撤回兵車

兵撤蒲東戍，秦關開未開。  
中途消息幻，孤館夢魂猜。  
河曲今天堊，山西古將才。  
歸心爭虎豹，飛鳥亦徘徊。

岐山

太華西來幾日晴，泥途纔盡馬蹄輕。  
雲埋關道知兵象，人過岐山想鳳聲。  
黑夜奔星穿虎豹，青天轉餉見弓旌。  
漢中諸將承恩久，可有飛書答聖明。

入棧

才避戎車又餉車，崎嶇歸路五千餘。  
難逢閩外知兵將，自演囊中遁甲書。  
一戰何人揚義勇，亂山勞我祭孤虛。  
連營漫阻星奔客，狐火狼烟要掃除。

丁巳九月褒斜道中卽事

楚豫兼秦蜀縱橫，一婦人是誰開。  
殺運何物竟天神，勦撫功難緩。  
飄流氣不馴，吁嗟杜陵語盜賊。  
本王臣寇速，惟焚掠師勞。  
只送迎民誰甘作賊，將苦不能兵。  
負戮同無赦，相持詎有名人關。  
餘涕淚空望棄繻生。

柴關嶺

一炬盡長林連山遂不深荒田開數頃古樹劈千尋  
人滿天應隘關嚴日易陰十年風景變憑眺一驚心

詠五丁闢前大樹

半委雲煙半草萊霜皮猶積古時苔一枝溜雨龍身  
走萬葉吟風笙吹來大斧敢從千丈落神山曾見五  
丁開天梯石磴鉤連久誰闢孤根拔此材

九月十八日入七盤關馬不登山移數時乃  
上心竊惡之午時轉斗鋪誌壁

驛路走兵符途長客夢孤風聲肅燕趙雨氣暗河蒲  
轉餉看秦月登天問蜀都重關歸不易征馬尚躊躇

朴園屬詠薛濤酒

近年創製

人間何處薛濤殘  
汲井烹茶亦惘然  
千古豔才難冷落  
一盃名酒忽纏緜  
色香好領閒中味  
泡影重開死後緣  
我醉更憐唐節鎮  
枇杷花底夢西川

薛濤酒疊前韻從松崖朴園乞飲

幕府爭題十樣殘  
校書風格本翩然  
爲編紅史傷淪落  
重買青春話渺縣  
十節度留知已淚  
小桃花謝美人緣  
舉杯我自風雲氣  
誰縱長鯨到百川

渭南東郭太白堂趙叟留飲

布穀聲中酒一卮  
村農相對話移時  
木瓜花影紅如

許記取春愁太白詞

賈家衡衡萬齋庭中有合歡一株長夏作花  
甚久題曰青棠客舍長句識之

重來人海浩無涯燕燕啣泥處處家眼底蠅蠹爭六  
月夢中笳鼓動三巴閒評青史詩難廢病損朱顏酒  
尚賒慚愧嵇康說獨忿庭前空樹合歡花

送羅兩峯山人歸揚州

名滿寰區鬢已華老年真福是還家心皈金粟千重  
步手散梅龍萬斛花一代才人交似水九幽奇鬼畫  
如麻歸歟莫負揚州月塵海飄流詎有涯

看山幾度說南歸有鳥三年竟不飛  
老眼漸花同輩少名場將散寸心違  
流連赭墨雙蓬鬢點綴公卿一布衣  
佛總多情仙易嬾臨歧醉語尙依依

六載論交酒百壺得錢容易便招呼  
奇詩許我追前輩諧語因君諒腐儒  
避俗偶遵驅鬼法逐貧全仗送窮圖  
離情忽共秋潮遠月上蕪城夢已孤

君竟還鄉我望鄉筑聲燕市酒蒼涼  
江南歸興看花約劍外秋心戰馬場  
彈指離筵分去住關情人海問行藏  
竹西他日思狂客七椀清茶對蜀岡

東坡雪浪齋銘拓本爲頤園通政題

坡仙擲筆凌風去七百年留丈八盆照眼墨蛟蟠大  
壁飛空雪浪想靈根文心我惜人千古鄉思誰談蜀  
兩孫夢繞離堆銘礪石相招同有未歸魂

補丁巳年四先生輓詩

王荊亭太僕卒於京邸

幾日深居判死生醫方黥竄病無名人傳夢兆登神  
籍我撫靈筵罷酒兵老去宦情真淡泊閒中詩筆最  
輕清零星問答收千紙展對猶聞歎息聲

畢展叔大令卒於漢陽書院

漢上分襟十四年西籬回望影倏然依劉身老諸侯

客學杜詩空小乘禪人阻滄江最蕭瑟書來絕筆尙  
纏絲名場閱遍交情嬾知己終懷未遇前

兩湖總督畢秋帆尙書薨於沅陵軍次

終無一面慨前因箋惠頻叨意氣真渺渺孤寒餘涕  
淚滔滔江漢久風塵且留定論憑清議祇惜憐才少  
替人大纛高牙尙淪落書生何地說經綸

袁簡齋大令卒於隨園

謫仙非謫乃其遊汗漫才名散不收身後譏彈騰衆  
口生來福慧自千秋眼空天海詩爲戲夢繞烟花死  
未休一代傳人傳已定莫憑遺行苦吹求



夜坐懷亥白兄壽門弟

除是飛蛾擾燈牕終夜閒病如秋有約貧與酒無關  
壯志銷書燹鄉心入研山窺簾明月小歸夢泣刀環  
骨肉緣都幻蕭然退院僧生離原可畏人壽總難憑  
羣盜危兄弟孤雲仗友朋幾時重一面詩酒日瞢騰

對月

夜迴身孤立秋高氣一新長空猶此月終古是何人  
夢大無真幻詩靈卽鬼神海天流影濶萬象總沈沈

和少仙

過門賓刺日生踈苔徑因君暫掃除赤足不修相見

禮搔頭休問故鄉書消閒有蟹聊沽酒肴飯無羹自  
翦蔬浮世功名惟一飽烹龍炮鳳又何如

餘生飄忽漸知非傀儡登場聽指揮酒趣難言真道  
要詩情偶露卽天機醫愁不服寬中藥備賊曾裁短  
後衣爲語故人如愛我莫談戎馬重歔歔

搯筆爭誇絕妙詞那知情話卽真詩聲才脫口千人  
解語不聲牙萬古知誰向騷壇置重驛莫憑迂論廢  
偏師甘心豢養非天馬躡月穿雲任所之

攤書尙友亦徒然八世休輕一面緣與子周旋如我  
我經時離聚忽年年深居且自飛三雅名士於今值

幾錢莫把詩筒驚  
九陌塵勞容易誤  
神仙

題朱野雲畫

青壁無梯古廟紅  
荒寒雲水半仙  
風一肩新化誰家  
飯擔向空林暮靄中

朝來人海夜禪關  
瓶鉢蕭然去任閒  
還是老僧功課  
雜半因喫飯半遊山

打包乞食且支持  
遊戲丹青筆一枝  
畫出空門空外  
影蕭疏風味勝於詩

簡茶山

當筵狂舞忽欹斜  
博得賓朋一笑譁  
醉語原應出童

殺疑團誰爲釋杯蛇廣場有處曾緘口妙論無端不  
粲花可是交情太爽率偏留酒債在君家

中秋前一日味辛舍人招同戴東珊方茶山

薛又洲

玉堂

童春崖邵壽民集於敦經閣

史堂卽席作

乍涼風景最依依小宴重開舊雨稀閱世蒼茫情話  
少經年淪落壯心違酒寒清夜千觴緩秋湧晴空一  
鏡飛明日月圓酬令節主人還覓趙知微

和味辛舍人中秋前一日小集原韻

清酒頻斟綠滿甌久無常語慰交遊來從戈馬身如

夢盼到團圞月已秋詩敵看人爭命將酒鄉許我自  
封侯西南風急歸心遠重檢空箱感做裘

宋梅生儀部倚樹山房醮集予旣爲指畫記  
之復爲題句

不是丹青手徒留指爪痕酒情原偶托交態此長存  
人坐虛齋朗天圖老樹尊憑空添怪石山意忽當門  
題野雲畫

古徑通幽寺山堂鎖翠微人如猿偶挂樹與瀑爭飛  
榮澗歌逾適胡麻飯不肥我家風景似秋夢畫中歸

題譚子受  
光祜吹鐵簫乞食圖

磨硯銷兵鑄短簫一枝頑鐵竟超超憑他金石吹都  
裂如此心腸餓轉驕名士飄零原有例恨人游戲總  
無聊明明月照歌姬院好問揚州廿四橋

送初頤園通政督學福建

海天恩命重掄才東指仙霞鳥道開邊徼忽逢和匪  
使諸生早聚望洋臺文惟求是無難易士果能狂好  
化裁森森澎湖清夜影鄉心如月照蓬萊

青門垂柳散秋聲旌節遙遙萬里情送向七閩真遠  
隔思來十日敢留行身攀鵬鶚千峰陡筆掃魚龍大  
海平心戀觚稜人未老進賢何止在文衡

和田橋戊午下第自傷四首卽送歸丹稜

化盡浮漚氣倍真斤斤祿養爲偏親登壇枉建攻心  
策破甑翻成失手人過耳髀聲爭入穀合時花樣幾  
曾勻眼中冠蓋終何物歸駕柴車尙可巾

莫憑丹桂卜窮通入手花枝亦偶紅弧矢生涯原鹿  
鹿文章光燄自熊熊且看雲路隨秋雁肯寫冰心語  
夏蟲豺虎如麻揮手別書生微命倚蒼穹

人海澆愁仗濁醪一寒相對歎綈袍文無奇福身將  
隱詩爲沈思夢亦勞亂久誰熏同穴鼠累多我化戴  
山鰲行藏自惜如觀奕心注碁枰手不高

隱隱霜華兩鬢侵  
臨歧無語病森沈  
自傷亦有高年  
母此去真慚孝子心  
世事消磨餘涕淚  
秋懷潦草罷  
登臨故園兄弟誰  
無恙爲報家書抵萬金

黃瘦瓢以米家山法寫摩詰山菓草蟲詩意  
爲墨卿比部題

詩情畫態總天成  
未拂生綃氣已清  
一片空山深夜  
雨最模糊處最分明

馬秋藥比部江船詩夢圖

水宿淡無夢  
湛然如有詩  
空花文字現  
思路鬼神知  
慧足清言湧  
心開幻影遲  
披圖想靈妙  
欹枕對移時



畫拾得像題句

庫院逍遙任幾年誰知掃地卽參禪  
齋厨火滅寒巖合到底無人見普賢

題宋雲墅禮部巢雲別墅讀書圖

朝衫疎懶耐風沙畫向溪山帽影斜  
絕磻任堆千尺雪老梅能放隔年花  
俸錢準備酬書價詩本模糊寄酒家  
縹渺歸心君自好連營我正夢三巴

畫情詩味兩相歡燈火熒熒逼歲殘  
隔巷此時沽酒易入山他日結鄰難  
江湖夢淡身名遠鐵石心高骨相寒  
花上白雲花底雪幾人安穩坐驢鞍

題畫

青林紅樹澹無塵  
詩思無多味已真  
我亦長安車馬客  
幾生修到跨驢人

戴金溪齋中消寒一集分題得雪山

堆庭聚殘雪  
隨意卽峯巒  
山趣一支小  
玉輝終夜寒  
氣凝風雨立  
光鎮水雲安  
暫駐飛來影  
窗西拄笏看  
壽民齋中消寒二集分題糟鶯蛋

一醉籠鵝去  
團樂弄酒星  
味能參白墮  
書欲換黃庭  
舉箸供詩料  
臨池補食經  
糟邱風味遠  
袁石更延齡  
送張鞠圃出守江南題揚子飽帆圖

處處烟波有畫船江南遊宦實登仙片帆飽挂東風  
影一勺先嘗北固泉勝地恐增名士累中流全仗使  
君賢官方珍重酬初政粉署聲華已十年

謝伊墨卿留贈殘書一車

載書成捆汗車牛簡斷篇殘次第收壓架縱橫標七  
畧閉門塗抹問千秋一鳴今免從人借三篋還應向  
我求何止腐儒顛欲死蠢魚搖尾到床頭

題秋林策蹇圖送言臯雲

朝標

出守夔州

夔府遙遙控百蠻馬頭先指劍門關看收蛇鳥天邊  
陣坐擁巴巫雨後山惱我鄉愁猶磊落望君詩味漸

高聞東屯他日留賓客應許騎驢日往還

題徐壽徵登岱圖

鞮底有名嶽飛空如列仙衆山高不得東海夜蒼然  
五色騰奇樹千聲灑凍泉此時狂定減低首避青天

送費西埔戶部從軍陝西

短衣跨馬忽西征投筆遙隨細柳營幕府君能籌辦  
賊鄉山我正望收兵弓刀入棧褒斜冷旌旆臨流漢  
河平佇聽鏡歌歸及早書堂煑酒話離情

自題所畫

使殘赭墨用殘朱千水千山信手塗莫笑丹青太潦

草最無心處是工夫

三月十一日寒食壽民招同夢湘金溪小集

橋東書屋餞子白分韻得花字

小聚忘形友燈牕笑語譁酒名歸我輩詩派定誰家  
關塞傷離遠文章托命差春寒芳信杳相對惜唐花

水村畫意

幾筆水楊柳春姿秀可憐魚飛輕似鳥牛渡穩如船  
破網沿流挂新籬繞樹圓溪山平更好丹赭總天然

答贈姚春木

榕

摩空聲不定一字幾襄回藻翰皆生氣東南此異才

論嚴詩筆正心動化工來難後豪情滅因君又舉杯  
小扇臨風贈長歌忽振奇美人春不妬天馬怒難騎  
仙籍誰真註名場我漸疑籠工森可怕詩病莫輕醫  
相逢皆少壯餘力且題箋風格中年定時名衆口偏  
開懷原偶托揮手任無傳繚繞神仙字蟬魚大可憐  
妄語疲酬應狂言爲汝真交才謀一面氣已碎千人  
文古曾非貌詩飛或有神科名身外事此筆豈沈淪  
庚申七月懷鄉感舊之作

尚憶西陵峽底舟渝州東下望荊州當時灩澦驚天  
險此日鯨鯢接地愁猿鳥不歸開洞穴帆檣一掃變

戈矛船窗人靜灘聲滿清夢遙遙慨舊遊

故園春望亂山平幾曲涪江繞縣清人影百年增萬  
口刀光一夕贖孤城思鄉遠有流亡屋赴急全無訓  
練兵落落親朋誰好在他時攜手盡餘生

五月廿日胡夢湘

稷

戶部招同吳穀人祭酒

吳山尊編修戴金溪刑部郭厚菴明經

野

及亥白兄雨集賦分龍行

山雲水雲曳電走萬靈蠢蠢爭昂首靈辰靈雨應分  
龍急溜排空勢何陡主人揖客臨前楹濺衣珠玉聲  
琮瑋四筵各有參龍手酒酣同作分龍行一客揮毫

一龍舞起龍笑擎花奴鼓逸氣摩空天爲低浩歌聲  
與龍吞吐我聞高山大川龍所宮斑然五色團雌雄  
九州方域自今古天經地脈長流通重霄大號渙江  
海轟雷繞角聲其聳爾能布澤天無功但令八紘禾  
黍年屢豐下視一氣青濛濛帝居高真只濃笑容汝  
利見無終凶龍兮龍兮爾亦嶄然有頭角忍學乖龍  
逃古木奉汝當筵酒一杯乘時好作蒼生福是時炎  
官亦斂威朱旗畫揜三重圍衙衙神物露鱗爪迴旋  
爲我流金輝一龍南征赤羽葆朱方早爲收淫潦一  
龍矯首西南行天河怒噴兼洗兵一龍西飛一西北



舟山詩書補遺 卷二  
關塞重重極天墨甘涼秦隴雜番夷千里河汾衛京  
國一龍山立拱朔方一龍東北迴風翔神臯鬱鬱宜  
雨暘東來佳氣黃雲黃東甯巨浸連東震濺濺魚頭  
吹作陣莫使長鯨拔浪飛雙龍上下關民命中原地  
高憂水旱桑麻繹繹通畿甸誰創奇功抵萬龍蜿蜒  
特爲開溝堰龍腥撲面歌烏烏金支翠旗光有無衝  
泥有馬去無路中庭浩瀚成江湖葛坡竹枝渺何處  
醉騎茅狗吾歸乎

五月二十四日庶常館陪煦齋少宗伯大課

卽席有作並呈周石芳

系英

蔡生甫

之定

兩編修

二君去秋同  
與秋閣分校

繞席看吟院體詩清尊小憇  
晷遲遲因君欲斷三升  
酒笑我難爲一字師勝地  
十年懷舊侶鴻文千古望  
新知分曹二妙重相對憶  
否風簾話雨時

六月苦雨

匝月傾盆雨雷車怒復停  
蛟龍蟠破壁湖海漚空庭  
杯酒沈雲黑窗燈傍午青  
新苔生卧榻幽夢尙泠泠

臘月鄒論園 文焯  
工部招同山尊屋巷諸君  
集藤花吟舍消寒分韻得尋字

故人三五尙招尋酒病詩魔  
半不禁今雨纏綿懷舊

雨冬心寂寞勝秋心官梅興遠拚成醉臘雪光遙照  
苦吟水旱迢迢驚歲晚幾家燈火屋廬深

訪琴圖爲樂蓮裳孝廉題

原名宮譜今名鈞

繁音太淩亂我貴在知希山厚桐應古雲荒鶴恐饑  
香茅溫破屋涼月淡深衣或與孫登遇無絃共息機

睇陽樓雅集圖

藥欄苔徑幾迴環來倚瓊樓鎮日聞金井分香流玉  
海紅牆刻意嵌青山樽前讀畫增詩味花底懸弧破  
醉顏何事遊仙疑幻夢方壺原只在人間

答山中故人

世緣疎淡久無詩聊寫新篇慰所思秋氣不應長夏  
滅天真還是故人知曾嘗甘苦多於藥未定輸贏小  
似棋案上仙書猶好在舊林猿鳥漫相疑

哭米鏡三

杰明府武清令

纔把蒲觴誦手書卧聽凶問忽驚呼眼中神采猶超  
越意外訛傳定有無知己淚從今日墮濟時心爲故  
人孤豨苓一悞成終古靈藥憑誰召十巫

能捍龍蛇是此身波濤影裏話流民君名傳定何曾  
死我夢魂來尙有神  聖主關心餘嘆喟好官回首  
騰清貧他年國史書循吏無媿褒榮定幾人

近光樓下仰雲堂詩冊

芳園臺閣起氤氳西北高樓勢若雲墨寶中天燭霄  
漢龍光午夜動星文百年喬木平泉改一派靈源太  
液分鶴禁森嚴容退食花前休沐載清芬

芸館槐庭次第過詞臣終竟受恩多三天曉月隨  
銀朶萬卷晴窗解玉珂宦味從容仍筆硯詩情蕭散  
在巖阿文章知遇山林福分取榮光到薜蘿

金管留題翰墨香層簷新署仰雲堂澄心細領烟霞  
趣翹首同依日月光磊磊奇篇凌鮑謝超超神筆邁  
鍾王樓居從此增仙境幾折銀鉤七寶裝

十年猶悔讀書遲  
腹儉時慚應教詩  
硯北文心宜北面  
花南遊興勝南皮  
林光繞榻牋重擘  
山影當樓酒未辭  
回憶菰蘆舊茆屋  
畫簷樓閣感恩私

船山詩草補遺卷五



船山詩草補遺卷六

遂甯 張問陶 仲冶

題葉雲谷 夢龍 農部所藏沈石田畫軸

小舟藏水屋高樹抱山村風亂金徽理秋涼玉鼎溫  
烟雲都有氣紙墨轉無痕一掃丹青色心精萬古存

送何蘭士 道生 領郡甯夏 何初守九江

又看五馬鎮雄關轉對將離破酒顏交澹人如花氣  
冷才多官比畫情閒詩逢好韻尤須鑄民抱淳風亦  
易還寄語潯陽舊津吏柳枝紅到賀蘭山

題陳晴岩 傳經 靜嘯山房圖



聚已經年久何愁見而遲傾心招舊雨斂手避新詩  
身爲閒情苦名無幾客知童蒙莫相笑儒雅亦吾師  
畫裏鄉園在羈栖感故家平泉猶樹石孤館自風沙  
隣好書頻借村晴酒易賒秋心正無緒我亦夢三巴

朱右侗明府

僱

寄君山茶

岳陽秋老洞庭閒曾泊雙橈翠靄間二十五年揮手  
隔又扇茶竈說君山

題畫

凌空梯磴望中分時有青猿弄白雲逋客不歸幽  
好英靈何服勒移文

三月十一日雨

久晴忘雨態一雨忽清奇潤色迴高樹生香出短籬  
境開詩偶得緣靜酒相宜舊買隣僧竹來朝或可移

吳雲海兵部 大翼 桃花書屋圖

北地桃花瘦可憐畧如村女笑嫣然羨君庭院真奇  
絕幻出天台一洞天

春闈分校贈李芝齡 宗勝 編修

十八人中最少年龍綃麟筆小神仙早遊杏苑分宮  
錦會倚星輶探嶽遊我望蓬瀛如昨夢君看桃李又  
新緣莫憑名下求虛士此事分明擬薦賢

題蔣元亭前輩

予蒲 靜觀圖

神觀超然寫靜緣  
玉光無縫界人天  
塵根斷自中年後  
真意來從太極前  
摩詰已含金粟影  
趙州猶費草鞋錢  
關心爲指三山路  
頓喜迴風不引船

出古北口

中外今無外  
河山勢偶分  
閒花迷戰壘  
古樹弔將軍  
城仰秦時月  
衣霑塞上雲  
笑談揮手去  
關柳綠紛紛  
由喀刺河屯宿  
兩間房  
夜同滄湄  
金溪作

百里屢陰晴  
荒雲逐處生  
午風蘇馬力  
夜雨助溪聲  
好友同朝夕  
清言一性情  
他時關塞夢  
推枕說深平

八月四日歸次穆家峪與滄澗金溪飲酒作  
邊腹迴環亦壯遊關河形勝指螺收官如詩草何妨  
改身是異華未解愁文酒翩然同二妙根塵空處各  
千秋塞門涼月清無界芻豆聲中夢十洲

謝趙象庵送菊

霜菊清寒有令姿瓦盆分種不嫌遲  
擔花人帶雙飛蝶坐我秋衣看詠詩

題錢籜石先生蘭竹

竹笑蘭言迥自如遊心真在物之初  
開圖頓有臨池興花葉分明是草書

唐貞觀阿彌陀金塗小銅碑

碑高三寸許爲

阮芸臺前輩題

靈文宛轉頌彌陀貞觀遙遙字未磨一片妙明金粟  
影照人十度換山河

春日戲作

韶華未老鬢先華生氣無涯亦有涯隨意巡檐隨意  
折瓶中花卽樹頭花

題蓮花世界詩後

萬卷徒勞理亂絲中年學道已嫌遲寥寥佛典仙經  
外一帙蓮花界詩

壯烈伯李忠毅公 長庚 輓詩

神交東望水天長，碧海騎鯨有報章。  
爲想軍威猶凜凜，便論筆陣也堂堂。  
一腔熱血光青史，千古丹心照黑洋。  
樽酒談文虛舊約，朱旗引我夢飛揚。

乾隆甲寅二月，予與劉澄齋 錫五 法時帆 式

善 王鐵夫 芭孫 徐閔齋 嵩 李虛谷 如筠 集

何研農 元煇 蘭士 道生 昆季寓齋蘭士屬

潘君大焜，各省其像，作南城雅遊畫卷藏於家。時予年三十，有一蘭士虛谷，皆少於予。今十七年，虛谷閔齋蘭士先後皆下世。

澄齋候補郡守在楚鐵夫退閒家居在吳  
研農守太平在粵惟時帆以病辭官與予  
猶在此耳時蘭士之家仍寄居爛麪衙衙  
與予望衡如昨予自翰林改御史復出御  
史改吏部郎頃又將一麾出守暇日借圖  
歸展對數日題句志之山陽隣笛之悲促  
刺不成聲矣

披圖縹緲各風塵門巷蕭然尙比隣華髮郎官重灑  
淚九原偏是少年人

出峯山口宿密雲

柳暗風迴一徑開平原陲盡亂山來遊踪祇覺增奇  
夢詩筆誰能抵將才天牛長城猶戍削馬前荒水不  
滌澗隔年步步追陳迹邊月朦朧照酒杯

青石梁

天牛有車馬岌峩青石梁地形爭棧閣山勢闢堂牆  
笑舞金鑿路艱虞古戰場鄉心空悵結歸夢隔陳倉  
歸次古北口客夜

長城橫鎖亂山多月黑如聞勅勒歌明日驅車歸路  
穩馬頭重看白狼河

雨中宿蘭溝謝昌平馮鐵漁續熙刺史送酒



綠楊風雨隔州城野店山橋有送迎  
手擊泥頭忘逆旅故人樽酒太多情

九月十二日戊申庚戌諸同年公餞於陶然亭  
亭予先至獨坐得句誌壁

一麾依舊此閒身久坐江亭待主人  
可爲遠離遲出餞先教古佛代留賓  
紅塵碧海浮生夢春杏秋蟾隔世因  
笑聽車聲蘆外轉空門無礙酒千巡

圖裕軒曹慕堂兩先生戒壇合祀圖

烟霞纓冕耐蕭閒二老清名伯仲間  
佛借蒲團迎粟主人摩龍樹想鴛斑  
紅塵撒手超千劫丹鼎同心見

丸還彈指鳳城車馬客更誰留影對西山

阜莊驛題壁

久削山林福勞生儘宦遊風塵雙鬢改天海一家浮  
去住總無著蒼茫何所求神仙如可學飛夢到滄洲  
九月廿六七日孫淵如觀察留飲宿德州看

菊卽席得句

手版東來第一程官階難隔故人情早知把酒開顏  
甲不用低頭避面兵紫蟹黃花秋絢爛畫屏紅燭夜  
分明買田我亦思陽羨何日抽簪去耦耕

題保九真觀察小照

曾踏嵩高又岱宗名山逐處許相逢  
眉邊雲送何方雨  
脚底泉分昨夜龍  
遊興未闌留畫本  
宦情無染托仙蹤  
自看也有攜筇手  
翹望靈巖隔幾重

十一月十八日馮旭林

春暉

明府邀同惠印

山昌運

參戎小集蠡勺亭望海卽席口占

來依蓬島看斜曛  
畢竟仙緣占幾分  
不敢清狂慙郡守  
居然儒雅羨將軍  
大心磊落空滄海  
小句朦朧贈白雲  
笑謝尊前賢令尹  
一燈何日再論文

陳竹崖觀察鑒舟圖照

少挂危檣幾頁蒲  
居然安穩渡江湖  
身經駭浪心逾

敏人起狂瀾氣莫能世外閒情吟水馬胸中全力鎮  
天吳行看舟楫兼霖雨何止千金寶一壺

廖裴舟

雲程

風雨懷人圖

背燈支肘待平明紙閣蘆簾夜有聲爲惜親朋誰在  
眼轉疑風雨特多情閒磨小硯添新札夢倚寒鷗理  
舊盟何日江南同蠟屐杏花時節看春晴

七月初一日于役濟南獨遊滙泉寺小憩

皂蓋紅旗苦送迎暫來湖寺聽秋聲如何四百蓮花  
水支枕禪牀夢不清

臘月廿三日立春雪中歸次新河題呂祖殿

村塾

臘雪迎春強賦詩  
宦情書味兩參差  
印箱封後還奔走  
那及村童放學時

歲除卽事

安排小錄紀歸田  
擾擾官書又一年  
南北東方三百里  
海風潮聲裏夢西川

辛未除夕東景樸齋司馬時已請病將歸

一年花雪互追尋  
同鼓成連海上琴  
拍手乍驚君勇退  
關心休笑我沈吟  
夢長空繞流亡屋  
貧久翻思暮夜金  
聖主九重親萬里  
負恩無計答高深

正月十七日手具辭郡文書稿成題後

二十三年指一彈非才早媿不勝官仙名虛挂蓬壺  
籍郎署還歌緜豸冠海國浮蹤雙鬢改郡樓春夢五  
更寒雲衣久已輕如葉虛背抽身也不難

留別劉敬齋

肯隨法吏舞深文同檢官書每夜分海角升沈都是  
夢天涯潦倒最憐君詩城那許留三版酒敵猶堪張  
一軍看我春江歸興好可應長作出山雲

平度昌邑道中感事

庚午夏秋萊郡所屬七邑中之平度昌邑高

密濰膠五州縣被水而毗連之掖與卽墨亦復歉收予以十月到郡旣爲五邑請先緩征復請出借倉穀辛未春初得報僅借籽種七邑民情孔亟萬不能支東於功令愧不敢効汲黯所爲復陳情於大吏面求借糶兼施民情始定乃是年夏雨愆時秋收復歉奉天之糧不至民愈惶惶百計圖維終無長策因於歲臘諄劄七邑首倡捐穀七百石分布七城煮粥施賑復請於壬申年青黃不接之時除借籽種外仍兼行

借糶以甦民困既得請乃移疾而歸雖倦  
鳥知還而哀鴻集野撫衷內愧情見乎詞  
天意蒼茫地苦貧救荒無策愧臨民辭官也作飄零  
客慙爾流亡一郡人

濰縣道中

濰河春浪走滄溟紅杏初花柳暗青何處茫茫留禹  
迹成樓風雨望寒亭

無定官如上下潮誰從塵海見丰標百年多少濰夷  
長忍俊惟餘鄭板橋

青陽店元帝觀小憩寺僧性淵索書卽事有



知上言正不道  
卷之二  
作

索取瑤箋笑不勝問師會否悟三乘眼前誰是東萊  
守一箇雲堂退院僧

汶上客夜先寄江南諸友

文章無計轉春風得失何曾累塞翁儘我善辭過汶  
上看誰長句壓山東厭聞晉楚爭三舍閒與曹劉角  
兩雄四月江南櫻筍熟故人準備舊詩筒

鄒魯道中

著書終始爲窮愁匡濟原難與命謀儘有天人出鄒  
魯都無長策救春秋半生攬轡誰乘勢垂老旋懷總

倦游管晏儀秦方繼起枉將吾道問諸侯

鄒滕道中

地大陰晴亂遙天漏夕曛井田滕縣雨篆籀嶧山雲  
麥氣浮無界花光賸幾分江湖知不遠車馬尙紛紛

南上村小憩

風林濃淡遠模糊隱隱遙驛幾幅蒲二十八年餘夢  
影停車重問嶧山湖

劉伶墓

嶧縣劉家湖墩東北五十里

荷鍤難忘死千年墓草青七賢誰土木一世總螟蛉  
嵇阮多憂憤山王少性靈婦言猶在耳長醉不須醒

官湖南去入湖路

天許經湖路重開幾日晴馬聲官驛遠酒望野橋橫  
水陸因時變風波爲我平農商窘於客淫雨漫無情

舟中卽事

小宴團樂慰酒狂調羹先付女兒嘗船牕一箸青精  
飯知是魚香是筍香

不知浮世有風塵雨笠烟蓑穩稱身一椀蘆芽一壺  
酒者回修作釣魚人

高郵舟中檢閱辛未年詩有感

東  
四郡小支持破浪抽帆總未遲有數要當三面

海無端少作一年詩儘籌荒政窮千慮敢務空名說  
四知今日虛船任飄泊舟人遙指露筋祠

甘泉道中

卧游高枕忘形骸畫裏行舟且散懷白堡紅橋黃篔  
舫沿流五色照清淮  
游蹤誰與判仙凡難辨淄澠水互攙淮上官旗湖上  
網一般辛苦仗風颿

四月七日晚泊揚州五臺山下

浮蹤何地不勾留天海真成汗漫游忽遇卅年曾泊  
處夕陽依舊照揚州

渺渺青天有片雲，鵝鸞鷗鷺不同羣。  
畫船簫鼓全非昔，明月而今定幾分。

辛豐舟中看雨

細拈詩草當郵籤，小市維舟近酒帘。  
夾岸野老千百種，江南纔稱雨廉纖。

江南詩意

竹有半神樹有姿，野花分岸不參差。  
物情也似人情好，誰領天機註我詩。

無錫舟中看慧山

一桁嵐光四野平，慧峯經雨倍鮮明。  
人心祇恐難

隱山意何曾欲好名塔影鐘聲天淡遠茶標酒望地  
縱橫過江閒却尋芳屐回首金焦尙有情

查丙惠黃葉林中自著書圖

一庭秋影漸清疎黃葉環階倦掃除閱遍繁華歸澹  
定不知惆悵著何書

醉墨堂圖爲孫補之題

書字惟堪記姓名臨池奇興亦天生狂花著紙飛如  
雨敗筆堆牆擲有聲長日沈酣參酒趣一時揮灑助  
詩情虛堂也解耽毫素悔把毛錐學判行

自題寓虎邱近作

新詩一卷手裝成流覽篇題笑有聲彷彿江村銷夏  
錄開編都見畫圖名

自題題畫詩

三毫點染畫圖開億貌千形啟辯才笑我題詩真說  
法一人還汝一如來

聞李松雲

堯棟

前輩調任成都寄懷有作

玉堂縹緲隔三生塵夢磨人氣早平判尾要留才子  
筆遨頭難遣故鄉情王盧心折當時體揚馬魂驚異  
代名遙想巴童迎節舞新詩織遍錦官城

自慙五十在知非萬里思親却未歸惱我征愁成夜

錦望公推愛到春暉中年解組心原苦遠道移家計  
恐違簫鼓過門無意緒江湖流落老萊衣

舟中所見

好鳥乘春送法音青疇迎雨布黃金眼前便是蓮花  
界對鏡如何不起心

二十日洪桐生同年招同吳穀人祭酒汪劍  
潭楊警齋兩太守朱質園吉士遊平山堂

卽席作

風卷浮漚聚一川虹橋來放畫中船間尋蕭寺頻回  
首笑遇洪崖又拍肩十里樓臺容醉舞半生鐘鼎誤



神仙升沈滋味嘗應久且試平山第五泉

楊警齋太守

兆鶴

鷗江春暖圖

一樣旌旗海上遊萊州風物讓溫州停雲攬手成今  
雨止水盟心笑急流歸夢尙紆楊子縣政聲回指謝  
公樓連宵舉酒傳爐鼎絕勝平原十日留

三月七日吳穀人前輩席上作

清寒小宴醉題襟刻盡榮枯話轉深莫問二分無賴  
月一燈風雨夜聯吟

十七日登舟口占

飄然鶴背問腰纏看到揚州月又圓笑指綠楊推櫂

去此中惟結酒人緣

癸酉三月十九日瓜步渡江入京口作

鑿江剪渡又經春無計還山屢問津那有才名動湖  
海依然鄉夢阻峩岷煙花冷暖成何事萍水迷濛悟  
此身照眼風帆千萬點憐他多少未歸人

丹陽舟中洗硯

軟翠茸茸寫黛鬢娛人花鳥亦紅顏莫留視上揚州  
墨畫老江南雨後山

四月初五日立夏椒畦同劉公子招集花步  
賣酒看花并倚闌園林初夏尙春寒誰知儒雅通禪

悅莫更雌黃論牡丹拂几揮毫走蛇蚓  
忽移鏡照峰出閒評櫻筍堪終日畢竟江湖歲月寬

上海黃以恬青山澹處圖

能斷百思想看山生道心雲光空處現松籟靜中深  
濟勝何須酒移情欲過琴一庵如可借攜展會相尋

胡始瓊蕉臆試硯圖

小牕明勝月圓時蕉露無聲入視池手浣六塵泉自  
冷心磨千古墨先知文房有佛依三寶詩筆如花秀  
幾枝人在綠天秋在水松篁低首助丰姿

船山詩草補遺卷六

船山先生名噪海內所刻詩草二十卷久已家置一編矣顧其詩乃先生手定割愛頗多往往有膾炙人口之作而集轉不載讀者不能無遺珠之歎余與先生皆蜀人慕先生之風竊欲搜其原稿爲之補刊而有志未逮今年春先生猶子立軒自蜀來皖相遇於旅邸啟其篋得先生未刻遺稿喜不自勝因謀爲重梓而同鄉官皖中者時有毛丹雲文鍾山余方屏李雨亭周笏山林辛柏諸君復各出廉俸以襄厥成爰倩顧君兼塘選爲六卷弁以序言付諸剞劂其助爲校勘者則又先生族人張君春衢與其弟仲昭也

道光己酉嘉平月涪陵後學陳葆森謹跋